





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5348/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5348/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5348/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
5348/A


4563
INOSTIKH

SEU

(2)
ARS ET PER
PROPRIAM INDAGA-
TIONEM ET PER REVELATI-
onem aliquid discendi,

Autore

HENRICO NOLLIO Medicinæ in Il-
lustri ARNOLDINO, quod est Steinfurti
Professore ordinario.



Judicium, non præjudicium audiam.

Steinfurti excudit Theoph. Cæsar,
— ANNO M. DC. XVII. —

Tempus in propinquo est,
ut vera Theologia floreat, vera
Medicina redeat, vera Philoso-
phia è tenebris emergat, & pereat,
quicquid Sapientiæ contrarium
est.

Illustrissimo,

Illustrissimo, potentissimo, celsissimo & ge-
nerosissimo Principi ac Domino, Dn. MAURITIO
Hassie Landgravio, Comiti in Catimeliboco,
Decia, Zigenhainia & Nidda, Dn. meo Clemen-
tissimo salutem plurimam & æternam benedi-
ctionem in Jesu Christo, vero Deo, precor.

QUOD paucas hasce paginas, Illustrissime Princeps,
Dn. Clementissime, illustrissimo tuo nomini inscri-
bam, sunt mihi cause non frivola nec nullius momenti:
Amor meus in Patriam, amor in Patria mea dulcissima
Patrem, & singularis tua Illustrissima Celsitudine in me
benevolentia (quam nuper præsens in eo deprehendi, quod
illustriss. tua Celsitudo adminicula ad promotionem Do-
ctorem non contemnenda, mihi ne per somnium illud co-
gitanti ulterò ex pio liberalitatis affectu obtulerit) eo me
moveret & quasi traheret. Nihil aliud ab illustrissima tua
Celsitudine contendo, nisi ut hoc quaecumq; opusculum,
benevolo animo accipiat, & se Musarum mearum patro-
num exhibeat. Quod si videro, & libertatem philosophandi
mihi, Celsiss. Princeps, sub tuo patrocinio permitti ani-
madvertero, Deo juvante, cum aliis doctis viris faxo, ut
philosophandi ratio sincerior, & medendi via certior, ab-
jectis sophismatis & tricis, ad vera pietatis studiosos, suo
loco & tempore, Deo iubente, redundet. Vale æternum
& felicissimè, illustriss. Princeps, & quo animo in me sis
affectus, per responsum expone. Dabam Steinfurti è Museo
16. Jan. Anno 1617.

Tux Illustriss. Celsit. addictissimus
HENR. NOLLIVS Medicinæ Professor

PRÆFATIO.

CUM videam paucos inveniri studiosos, qui scopum ad quem in studiis collimant, citò & felicitè attingere sciant, operæ precium me faciurum arbitror, si jam publicè modum, quo studiosi singulas superiores facultates, Theologiam, Jurisprudentiam, Medicinam & Philosophiam citò, jucundè & fructuose magno cum successu percurrere & assequi queant, aperiam. At si verò per multi hic se sint oblaturi, qui sentiant, una methodo propter diversarum istarum facultatum diversitatem, & rerum, quæ in ipsis proponuntur, varietatem, quatuor istas facultates non comprehendi, nec eandem methodum omnibus & singulis addiscendis intervire posse, tamen mihi planè persuadeo, eos tum aliter judicatuos, quando meam hanc methodum benè lectam, sæpiùs repetitam & periculatè ponderatam medullitus intellexerint. Sub initium multa videntur impossibilia, quæ tamen possibilia esse sub finem non rarò observamus.

Ut ergò exordiar, meæ *γνωστικῆς* duas faciam partes, quarum prima doceat modum quo aliquid, mediante propria indagatione, disci & cognosci debeat: Altera verò proponat modum, quo ex alterius revelatione aliquid discendum sit,

ΓΝΩΣΤΙΚΗΣ

ΓΝΩΣΤΙΚΗΣ Pars I.

De modo aliquid proprio studio indagandi.

CAPUT I.

De Contemplatione sensuali.

I. **M**ODUS aliquid per propriam investigationem & studium indagandi duplex est: vel enim circa res ipsas versatur, vel circa obscura dicta.

Fateor equidem dari etiam alia signa præter dicta, quæ obscuritatem quandam secum vehant, tamen cum certus modus in ejusmodi signa inquirendi hætenus me lateat, malim in rebus cognitis modum præscribere, ac modum quo obscurorum dictorum sensum expiscari possis, perspicuè exponere: utpote qui mihi in re literaria ex ipsa praxi satis innotuit.

2. Modus, qui circa res ipsas indagandas versatur, quatuor mediis perficitur, Contemplatione sensuali, meditatione, collatione macrocosmi cum microcosmo, & artificiosa corporum sectione.

3. De hisce mediis ordine agā, & primū de Contemplatione sensuali, quæ primariò videndo, secundariò verò tangendo, gustando & olfaciendo perficitur. A 3

Omitto hic auditum, qui, licet non solus, in-
servit revelationi alterius, ac proinde ad alteram
21051115 partem refertur.

4. Ut ergo aliquid bene per sensus cogno-
scatur, & discatur, hæc requisita sunt obser-
vanda.

I.

Oportet organum cujuscunque sensus recte
& secundum naturam esse dispositum, in-
tegrum, viciens & illesum.

Sic enim febricitantium gustui dulcia viden-
tur esse amara, quia lingua vitiata est: Hinc etiam
in senio error sensuum contingit ex instrumen-
torum defectu: Senex enim si haberet oculum si-
ve organum visorij juvenis, videret ut juvenis,
Arist. 1. de anima. c. 4. text. 61. Scal. ex. 76. lect. 4.

II.

Medium debet esse conveniens & natu-
raliter se habens, nec aliena qualitate aut
dispositione aut proportionem commutatum.

Sic de coloribus nemo recte judicabit in tene-
bris nocturnis, quia ad visum medium illumina-
tum requiritur.

III.

Iusta sit & moderata inter sensile & sen-
serium distantia.

Alba

Alba enim res alio interdum apparet colore,
quando a visu nimis distat: & transparentia me-
dia propter nimiam distantiam cœrulea non ra-
rò apparent, cum tamē omni colore destituātur.

IV.

Requiritur situs & motus conveniens

Unde decipitur vitus, si quid obicitur oculis
non secundum rectam lineam: & ignis qui à late-
re est manus, nō sic eā afficit, ut q̄ ei subiectus est.

V.

Mora requiritur moderata.

Quæconque enim subito in sensus incurrunt
& quasi in momento prætervolant, nihil admo-
dum eos afficiunt. *VI.*

Sensorium debet esse vacuum à natura
Sensilis

Intus enim apparens prohibet alienum. Arist.
3 de anima. c. 5. Sic oculus ab omni colore pro-
prio liber esse debet. Si enim in visu, oculus in se
actu habeat album vel nigrum, non potest recipere
hunc colorem: ita quando sapor aliquis aut odor
actu inest sensorii, est impedimento aliis, & aut
difficilem aut nullum sensum facit.

VII.

Animus esto occupatus in percipiendo
sensibili.

Aliàs enim oculis etiam apertis nihil cernitur.

A 4

VIII.

Quaecunque multis sensibus cognoscuntur, uno sensu non aestimantur.

Multos Deus dedit sensus animali, ut quod ab uno solo apprehendi nequit, beneficio ceterorum pensetur, perfectius de Herba judicatur, cujus virtus non tantum ex signatura oculis subjecta, sed etiam ex sapore gustus objectio, & operationibus in nostra corpora, mediante tactu, aestimantur.

X.

Si sensus quodam modo hebescent, inter nis remediis ad pristinum vigorem reducuntur, & si reduci nequeunt, externis subsidiis illis subvenitur.

Sic qui acutè non possunt visu aliquid notare, uti solent specillis, ut inde id, quod videri debet, sub majori specie appareat. Quando etiam per nimiam distantiam debite aliquid videri nequit, perspectivis utimur, ut id quod nimium distat, in propinquo speciem suam sistat, & proximum videatur.

CAP. II,

De Meditatione.

Meditatio non est exiguorum tantum divinarum
intelligendi

intellectui hominis concessum: siquidem si in
meditando nos exeruerimus, non tantum vul-
garia & ubivis nota perfectè exploramus, sed etiā
secreta, & hominibus, qui curis negociisque mō-
di immerſi sunt, haud perveſtigabilia cognoſci-
mus. Eſt verò meditatio animi intima operatio,
qua & ea, quæ audivimus & quæ vidimus, aliisve
percepimus ſenſibus, penſitamus, & inde veritatē
quandam ſecretiorem exquisitè intelligimus.
Meditatione unum poſt aliud non rarò in mentē
venit. Si homo animi ſui ineffabiles virtutes noſ-
ſet, non adeò turpi ocio ſe dederet, ſed neſcēsque
diesq; rerum naturas & vires conſideraret. Quo-
modo aliquid meditando addiſcere debeamus,
hac vice docebo.

*Ille ergò qui ad cognitionem rerum ſublimium
meditando pervenire cogitat, 1.*

Piam vitam ducito.

Secus enim ſi fecerit, animus ipſius ad exquisi-
tam rerum ſcientiam non exaltabitur: quippe
ſagittis ſuis intentus circa ea occupabitur, ita ut
animi operationes inde poſtponantur. Pietas ad
omnia utilis eſt, dicente Apoſtolo.

*2. Omnia ad honorem DEI, & proximi u-
tilitatem dirigit.*

Itaque nunquam eo fine aliquid meditabitur,
ut ſuum oſtendat ingenium, ſed ut meditando

10
DEI honorem & proximi utilitatem pro-
moveat. Alium finem si sibi proposuerit, in
ambitionem incidit, atque exinde impeditur, ne
veritatis cognitione fruatur,

Conseclarium.

Illud ergò, ex quo ad omnes nationes. p̄
sertim verò ad patriam, cui primùm nati su-
mus. ingens commodum redundare queat,
diligenter & ordinatè meditator

Laudabile enim est, ei benè velle, in quo parē-
tes tui vixerunt, & multa bona adepti sunt, tu que
ipse ad lumen mundi admissus es. Romani pro
patria vitam deponere non timuerunt! Quid igitur
ô homo differs patriæ consilijs, virtute, scien-
tia & eruditione prodesse? Ut autem multorum
propositum, quod patriæ commodis destinatum
est, pium est & ubique promovendum; ita contrà
frequentissimè à nascutulis, invidis & impiis ho-
minibus impeditur, atque delatione, accusatione
& quorundam minimorum, quos fingūt Momi,
navorum exaggeratione docti & verè sapientes
è patria interdum vel expelluntur, vel spontè
Deòve vocante ad externos avolant, quando ad
honesta munia intra patriæ limites consulto nō
admittuntur.

3. Liber esto,

Ac proinde

Ac proinde nullius hominis mancipium, ne cogitationes suas ad alterius arbitrium cogere & determinare teneatur, atque vires animi sui præiudicio quodam informet. Quod si fiet, non inquireret veritatem rerum, sed cogitationum alterius, & sic à vera semita longè aberrabit. Non fiet alterius qui suus esse potest.

4. Sobriè & temperanter vivito.

Id est, nimio cibo & potu corpus suum nusquā oppletò, sed victu ita frutor, ut ne meditationis cursus de die in diem imminuatur. Verissimum est, quòd quantò majori cibo & potu te infercias tantò hebetius & obtusius reddas tuum ingeniū. Id vel manifestò te docet Ebriositas, quæ nunquā permittit, ut rem aliquam intimius pensares & rectè iudices. Testor hinc praxin omnium benè discientium, ut vel hinc vulgatum proverbium emanaverit: *Plenus venter non studet libenter*. Qui corpus saginat, animum emaciat.

5. Curis & negociis mundi non esto implicitus & intricatus.

Animus enim quò magis est à curis mundi remotus, eò subtiliora, secretiora & veriora invenit. In animo, licet dopo, thesaurus sapientiæ latet. Animus quò liberior est, eò splendidiore & ampliores thesauros promit & revelat. Res quidē ipsæ in animo non sunt, nec etiam formaliter perpetuam

perpetuam inhaesionem earum notiones: Verum animus id habet vittutis divinitus, ut meditando notiones rerum veras sibi fabricare sciat; cum omnium inferiorum rerum perfectio in illo sit eminenter.

6. A commercio hominum ad solitarium locum abito, quando meditabitur.

Si enim cum hominibus conversatus fuerit, id non assequetur facile, quod optat: Conversatio enim ejusmodi meditationis cursum interpellabit, atque cogitata aliò abripiet. Id quod antiqui sapientes benè noverunt, ac proinde tum temporis, ubi cogitationibus & meditationibus suis vacare voluerunt, ad desertà secesserunt loca. Morienus profundissimus Philosophus in desertam abiit sylvam, ut ea, quæ Deo grata & homini utilia sunt, meditari potuerit. Id propositum etiam Monachi prioribus seculis habuerunt, qui eo fine in cœnobîa se contulerunt, ut divinæ & humanæ sapientiæ ardentius operam suam consecrare potuerint: Quamvis hoc tempore plurimi ad Monachatum abeant, ut potius deliciis corpus, quàm animum piis & sapientibus meditationibus pascant. Ita paulatim omnia in abusum trahuntur.

7. Veneris usui etiam licito nimis ne indulgeto,

Sic enim

Sic enim fiet, ut meditationes suas intra caue-
cellos rationis contineat, & diversis objectis dis-
trahi non permittat. Venus ita amanda est, ut na-
tura, non voluptati satisfiat.

8. In rebus facile intelligibilibus sub ini-
tium se frequenter exerceto.

Equum enim est, ut ii, qui aliquid discere cu-
piunt, à facilibus rerum discendarum princi-
piis exordiantur. Quemadmodum nemo, qui ar-
boris sexaginta pedes longæ fastigium attingere
in animo habet, uno passu id efficiet, sed scals u-
setur, & quatum infimo gradu per medios ad su-
preum paulatim ascendet: ita quoque sub ini-
tium nemo rerum intellectu difficilium medita-
tione ingenium suum acuet. Suffecerit ei, si faci-
lia intellectu primùm in manus sumat, & tandem
ad altiora paulatim progrediatur. Doctus nemo
nascitur: nec subito creatur. Sapientia de die in
diem augefcit; ut recēs arbor è suo semine & nu-
trimento. Ordo jam præscriptus si invertitur, in-
tellectus in infantiam prolabitur, nec unquam
Sapientiam, ejusque rivulos degustabit.

9. Sese nō in fictis, sed veris reb. oblectato.

Sic enim veritatem citiùs assequetur Improbo
illorum studium, qui magis figmentis hominum,
quàm rerum compendio delectantur, atque in
cogitationibus aliorum, quàm in rebus ipsis actu-
ti videt

ti videri malunt. Otiosorum Monachorum, qui barbaris & oblcuris terminis rem literariam miserandum in modum defecdarunt, commenta & figmenta in aliorum cogitatis fundata si hodie è scholis exterminarentur, & de Deo, & natura ex Deo & natura docti philosopharentur, viva Philosophia in mundum rediret, & fuitiles inutilesq; logomachiz, inanesque disputationes evanescerent. Dum perversorum hominum oblcuros, ambiguos & barbaros terminos meditamur, res ipsas, proh dolor, praterimus & negligimus.

10. Una vice uni^{us} rei utilis cõsiderationi incumbito, & si aliquando vel interpellatus, vel defatigatus ab ea recedere cogitur, ad illius unius & certæ rei meditationem redito, Idq; consueque cõtinuato, usque dũ meditandò illud, quod sibi proposuit, assecutus est.

Qui ergò animum hinc atque illinc, huc atq; illuc vagari permittunt, nunquam aliquid certi inventiunt, sed ut inconstantes sunt, ita inconstantes & dubios colligunt scientiæ fructus. Satiùs est, ut unum aliquid, quo multis cõstanter prodesse possis, addiscas, quàm multa, quæ nec multis nec tibi ipsi proderunt.

11. Effectus & accidentia ad eandem certarum rerum dispositionem sæpissimè & & necessariò sequentia studiosè observato,

15
ad morborum cognitionem,
eorum præscientiam, & Logici
ad in propositionum inventionem
pervenerunt.

CAP. III.

De Collatione microcosmi cum macrocosmo.

CUM mundus sit propter hominem conditus,
omnia, quæ sunt in mundo, ad hominem or-
dinantur, ac proinde hominis cognitio recte ex
rebus mundi petitur. Dictus homo est microcos-
mus, quia omnium rerum, quæ in maiori hoc
mundo sunt, in uno homine veluti in centro de-
litescunt. Quod corpori negatum videbitur, id
hominis animo divinitus datum est, ita ut quic-
quid naturæ cursu fieri observaveris, illud ab a-
nimo tuo præstari posse nullum sit dubiū. Quod n.
potest virtus inferior, idē potest superior, sed mul-
tò excellentius, & efficacius. Hic tamen excipe ea,
quæ fiunt ab inferioribus causis, & earum imper-
fectionem arguunt. Hæc enim superiori virtuti
minimè tribuenda sunt. Quicquid in macro-
cosmo diffusum apparet, illud in microcosmo
coarctatū & in unum centrū coactū est, ut ex il-
lo, quod ubiq; diffusum est, cognoscat id, q̃ in u-
nā naturā cōportatū est. Implicitum ex explici-
to benè

tō benè & rectè cognoscitur. Tu ergo
 hominis cognitionem adspiras, vide ut
 mundū in elementis & elementatis perfecti ex-
 plores, nihil erit in homine, quod te celari pote-
 rit: Intuere & meditare 1. superiorum in hæc in-
 feriora influentias 2. mutationes & conservatio-
 nes rerum. 3. ex universi spiritu quodque vitam
 trahere 4. nutriendi & nutritum in eodem spiritu
 convenire. & 5. unum cum altero gerere in se si-
 gnaturam convenientiæ: Quæ enim proximè &
 ordinatione divina inter se conspirant signis se
 patefaciunt. Quæcunque ergo hominis, genera-
 tioni & conservationi naturā destinata sunt, ex
 suis propriis signis dignoscuntur & dijudicantur.
 Unde à me hæc generalia de Signatura theorema-
 ta nuper in compendio Physicæ proposita fuere.

1. Quodcunque corpus alii corpori in ma-
 crocosmo vim diu existendi imptit, illud &
 microcosmi diutinæ cōservationi inservit.

2. Quodcunque se per insitum balsamū
 ab omni elementorum corruptione in ma-
 crocosmo tuctur, idem & microcosmum
 ab omnibus morbis præservabit, & per eun-
 dem balsamum liberabit.

3. Quicquid è corpore aliquo alienam na-
 turam

turam extrudit, idem quoq; è microcosmo naturam alienam expellit.

4. Quæcunque planta habet signaturam partium hominis, illa confortationi earundem inservit, ac proinde morbos, quibus ex partes conflictantur, fortiter pellit.

5. Plantæ, quæ vel repræsentant ipsa animalia, vel animalium partes, valent ad propellendos morbos, qui ab iisdem animalibus suboriri possunt.

6. Animalium partes, quarum balsamus est valdè fortis ad functionem debitam expediendam, vigorem inferunt similibus hominum partibus, ut efficacius præstant id, ad quod destinatæ sunt.

7. Omnis bestia, quæ venenum tantum in aliqua sui corporis parte habet, in se cõtineat balsamum, quo tutò cõtroversa venena uti licet.

8. Quodcunque animal citra noxam ex venenatis corporibus alimentum quærit, in se habet balsamicam naturam, quæ contra venena potens est.

B

CAP. IV.

De artificiosa corporum Sectione.

CORPORA quæ ex multis conflata sunt partibus, non possunt semper meditatione exacte explorari; excogitata ergò sunt ab hominibus certa artificia, quibus ad interiorem & sublimiorem eorum corporum notitiam perveniatur. Ea quæ sunt immediatè directà in hominis corpus; ut est anatomia localis seu mortua, cujus beneficio corporis humani non tantùm exteriores sed etiã interiores partes quoad figuram, situm, coordinationem & magnitudinem exacte cognoscuntur: vel etiam in alia corpora vires suas exercent: ubi præcipuè locum habet Chymia vera, lana & verè Philosophica. Sophistica enim Alchymia nihil commercii habet cum veritatis disquisitione: Ea enim inconvenienter destruit corpora, ut alienarum dispositionum vires potius inde prodeant, quàm ut propriarum virtutes inde innotescant. Ut verò scias, quid sit vera & sana Chymia, officium ejus genuinum benè intelligito, quod est; *igne convenienti id quod occultum est, manifestare.* Ignis conveniens est, qui & naturæ corporis, è quo occultum eruendum & in lucem sistendum est, & naturæ alterius corporis, in cuius usum extrahitur, amicus est. Si igitur in usum hominis a-

liqui

liquid è corpore quodam macrocosmico extrahitur, illud non destruent, sed miti & leni igne prolicitor. Hic forsàn ais, sic multa mineralia nō posse hominis corpori semper adhiberi, quia vehementi igne ipsorum virus aliquando abigendū est, vel durities ipsorum tenui igni emolliri nequit: verū scias, veris & sincerioribus Philosophis non deesse media, quibus vel maximum venenum sine vehementi igni in veram & salutarē theriacam permutare, atque durissimorum corporum vincula dissolvere queant. Orandum & laborandum tibi est, ut tam præstantia media tibi conquiras. Facile optatum finem cōsequeris, si naturam rectè intellexeris, atq; sapientum dicta ex natura, non hanc ex illis dijudicaveris. Summum artificium in Chymia erit purum ab impuro separare, & naturas, quæ in essentia proximè conspirant, convenienter coordinare, ut unà alterius vires proliciat & in apriçum pducatur. Plura de Chymia præferre non est hujus loci; in meam Philosophicam Alchymiam, quam præ manibus hæc habeo, perfectiorē declarationē refugio.

CAP. V.

De modo obscurorū dictorū sensum vestigandi.

Hucusq; modum, quo res ipsas per propriū expiscamur studium, brevibus exposui verbis: Modus qui circa obscurorum dictorum sensus indagacionem versatur, subsequitur, & nititur hisce propositionibus.

1. Scopū dicentis vel scribentis instructor.

Est enim, ut habet jurisconsultorum regula, quam Celsus in l. Labeo. ff. de supell. leg. profert, prior & potentior mens, quam vox dicentis.

2. Clariora dicta ex eodem autore observato & conferro.

Obscura enim per clariora rectè explicantur & intelliguntur. Clariora sunt ea, quæ agunt de eodem re & dilucidioribus terminis eandem exprimunt. Sic in Philosophorum libris cum doctrina unius aperiat doctrinā alterius, teste Lull. c. 3. Theor. test. rectè per clarius dictum exponitur & notificatur dictum minùs clarum & minùs notum.

3. Dicta oppositam sententiam proponētia pensitato.

Contraria enim juxta se posita magis magisq; illucescunt.

4. Phrasin linguarum notato.

Sunt enim quibusdam linguis propriæ phrasēs, quæ si notantur, omnem obscuritatem dictorum facillè tollunt. Notabunt hoc Scripturæ Sacræ studiosi, & fontes ejus, Hebraicam & Græcā linguam diligenter discent, ut habeant, quo se adversus depravatores benè tueantur. Cōfer infra part. 2. cap. 3. theorema octavum.

5. Antecedentia

6. Antecedentia & consequentia, eorumque nexum cum dictis interpretandis probe considerato

Rectè August. super cap. 25. Matthæi: ex antecedentibus & consequentibus colligitur verus Scripturæ sensus. Et Celsus J. C. præclare inquit: Incivile est, tota lege non perspecta, & una tantum ejus parte proposita, de toto legis sensu judicare velle.

ΓΝΩΣΤΙΚΗ pars Altera

DE

Modo cognoscendi & discendi per Revelationem.

CUM cognitio rerum per propriam investigationem sit imperfecta, rectè superadditur alius modus, quo aliquid ex Revelatione aliis innotescere possit: ut vel hinc ea, quæ propria investigatione expiscari & scrutari nobis non licuit, inveniamus, intelligamus & cognoscamus. Ante omnia verò hîc sciendum est, quòd tria sint media præcipua, quibus res ab aliis revelentur, Vox viva, Scriptura & Simulacra, ac proinde modus per revelationem discendi sit triplex: Primus quo ex alicujus vive voce aliquid discitur: Secundus, quo

B 3

ex Scriptura aliquid cognoscitur, & Tertius, quo ex simulacris veritas alicujus rei percipitur. Tres hosce modos sequentibus in capitib. explicabo.

CAP. I.

De modo discendi aliquid ex DEI loquentis voce.

TRES sunt substantiæ, quæ viva voce aliquid revelare solent, DEUS, spiritus & Homo. Triplex ergò inde modus discendi ex loquentis viva institutione rectè statueretur. Sed cum modus ille, quo ex spiritus alicujus viva informatione salva conscientia aliquid addisci queat, rectè cum modo, quo ex DEO aliquid discitur, jungatur, quia DEI solius est mittere angelum, qui nos informet, duobus modis contentus ero. Et proinde primùm docebo, quomodo quis DEUM movere debeat, ut viva voce de veritate alicujus rei ab ipso aut immediatè vel per verum ejus angelum erudiatur, & informetur.

Non nescio, hodiè permultos esse in ea opinione, DEUM piis viva voce nihil amplius revelare, cum ea, quæ salutem concernunt, sufficienter Sacris comprehensa sint literis: non tamen concedo, exinde rectè colligi, DEUM suos amplius de aliis rebus secretioribus, & futuris non erudire: imò hoc ajo, sensum dictorum sacrorum sæpè latentem à DEO piis demonstrari, eosque mirabi-

liter in naturæ secretis mirabilib. informari. Qui
 Deo artissimè per fidem adhærescit, ille Deum
 loquentem & de variis secretis instruentem in a-
 nimo suo audit. Id quod paulò pòst ex Sacris lite-
 ris satis innotescet, quādo in indubitatis theore-
 matis & præceptis suis propositurus, quomodo
 homo se gerere debeat, si Deum viva voce loquē-
 tem & mirabilia secreta mundum fugientia do-
 centem secretò in animi sui intimis recessib. au-
 dire velit. Ne arbitrare, me Enthusiastis favere,
 qui phantasmata vel à Diabolo inspirata, vel ex
 depravato Scripturæ sensu enata alunt, atq; inde
 sibi dulcia somnia fingunt. Docebo igitur, quo-
 modo homo verè pius particeps reddi possit di-
 vini auditus, ut Deum verum (non carnem, nec
 Diabolum) in se loquentem & magnalia naturæ,
 & supernaturalia secreta patefacientem audiat.
 Docebo etiam, quomodo verus Dei filius & di-
 scipulus ab iis, qui tantum videri volūt & nō sunt
 Dei discipuli, rectè discernantur. Ex Deo prima-
 riò discendū esse quis inficiari ausit, cū omniū
 rerum veritas ab intellectu ejus divino pendeat
 atque mentiretur, nihilque certius sciri possit,
 nisi quod ex ipsius informatione revelat & mani-
 festatur? Ut DEUS omnibus rebus esse & perfe-
 ctionem dedit: ita quoque ille solus ex se exquisi-
 tissimè omnium rerum esse & vires novit, atque
manifestare potest.

Qui DEUM in se loquentem, & secreta
revelantem audire desiderat. Ante omnia
videto, ut DEI amicus fiat.

Amicus DEI est verè sapiens; quippe ex eo,
qui est sapientissimus, & omnia novit, omnia di-
scit. Quare diligit Deus neminem, nisi cum quo
sapientia habitat: Sap. 7. v. 28. Sapientia enim Pro-
phetas & amicos DEI constituit: ibid. v. 27. Amici
se invicem nihil celant. Qui favet minori ex a-
nimo, p̄ favoris sui ratione omnia bona in ipsum
cōfert. Si ergò quis fuerit DEI amicus, DEUM fa-
ventem habebit. Cui autem Deus favet, ei bene-
dicit, & sapientiam adspirat, atque omne, quod in
suam ipsius & proximi utilitatem petit, clemen-
ter largitur.

Qui ad amicitiam DEI admitti cupit. le-
gito & diligenter Sacras literas, atque ex earū
præscripto vivito.

Est enim majus & p̄stantius inter literaria be-
neficium homini divinitus non datum, ipsis Sa-
cris literis: Siquidem in iis nobis exactissima nor-
ma vivendi, cum Deo colloquendi, atque ab eo
aliquid impetrandi proponitur. Et qui extra Sa-
crarum literarum studium, & contra earum sen-
sum revelationem aliquam divinam sibi fingunt,
decipiunt & decipiuntur, nec spiritu veritatis a-
gitantur.

gitantur. Non ergò tutò revelationibus iis credendum est, q̄ alii spiritui, quàm divino, qui ex Sacra Scripturæ assidua lectione, repetitione & meditatione ad Prophetas DEI redundat, debentur & tribuuntur. Si unus ille Spiritus, qui Sacras litteras sanctis inspiravit Patribus, jam jam in hunc usque diem secreta naturæ & DEI non manifestaverit, in errorem & labyrinthum incidit quicumque alii spiritui credunt. Bene ergò faciunt q̄ una Biblia vitæ suæ regulam, suorum studiorum summam, mundi universi compendium faciunt. Qui hoc fecerint, sibi latum aditum ad DEI amicitiam parant.

2. Interim ardentem, & sine intermissione in vera fide *DEUM* invocato, ut Spiritum Sapientiæ largiatur.

Nemo enim novit quæ sunt DEI, nisi Spiritus DEI. I. Corinth. 2. v. 11. Dominus ergò quia dat sapientiam, Proverb. 2. v. 6. invocandus est: & quum enim est ut apud illum sapientiam, apud quæ est ab æterno, quæramus. Et qui nobis esse & vitam dedit, dare quoque potest summa nostræ vitæ ornamenta. Dabit ergò & sapientiæ Spiritum, si sincero ex corde petiverimus & oraverimus. Salomon regum sapientissimus, dilexit Dominum, ambulans in præceptis David patris sui, Reg. 3. c.

B *i*

8. v. 3. ac post ei Dominus per somnium nocte ap-
 paruit dicens, Postula quod vis ut dem tibi: v. 5.
 Tum Salomon sapientiam v. 9. petiit, non diviti-
 as, non animas inimicorum v. 11. ac proinde DEUS
 Salomoni cor sapiens & intelligens dedit, ita ut
 ante se sui similem non habuerit, nec post se habi-
 turus sit, v. 12. Quæ Salomonis sapientia & in po-
 litico foro (ubi duarum meretricum dissidia de
 vivo unius ex iis filio v. 24. & seqq. prudenter cõ-
 posuit) & in naturæ foro (ubi c. 4 Reg. 3. v. 33. deli-
 gnis à cedro, quæ est in Libano, usque ad Hysso-
 pum, quæ de pariete egreditur, item de jumentis
 & voluctibus, & reptilibus & piscibus disseruit) se
 exercuit. Prophetæ Daniëli ubi injungebatur,
 Daniel. 2. ut Nabuchodonosori somnium q-
 uod ille oblitus erat, ejusque interpretationem recē-
 deret, rectè agnoscens sine DEI revelatione im-
 possibile esse ut somnium, ejusque interpretatio
 regi enarretur, v. 17. ingressus est domum suam &
 sociis suis indicavit negotium, ut quærerent mi-
 sericordiam à facie DEI cœli super arcano isto,
 v. 15. Quo facto, Daniëli per visionem nocte v. 19.
 revelatum est à DEO mysterium. Mercurius
 Trismegistus cùm de rerum natura cogitaret, ac
 mentis aciem ad superna erigeret, sopitis jã cor-
 poris

poris sensibus, quemadmodum accidere solet iis, qui ob saturitatem vel defatigationem, somno gravati sunt; subito sibi visus est cernere quendam, immensa magnitudine corporis, qui ipsum nomine vocans, in hunc modum clamaret: Quid est, o Mercuri, quod & audire & intueri desideras? Quid est, quod discere atque intelligere cupis? Tum ille: Quis nam es? Sum, inquit ille, Pimander, Mens divinæ potentia, actu vide quid velis: ipse verò tibi ubique adero. Cupis, inquit Mercurius, rerum naturam discere, Deumque cognoscere. Ad hæc ille: Tu me mente complectere, & ego te in cunctis, quæ optaveris, erudiam. Cum hæc dixisset, mutavit formam, & universa subito revelavit. Sciendum verò hic est, quod sine intermissione orare & non defatigari oporteat, Luc. 18. v. 1. in fide, remota omni hesitatione: quia quæcunque in precatione petierimus credentes, accipiemus. Si cui ergò, ait Jacob. cap. 1. v. 5. & 8. deest sapientia, à DEO dante, omnibus simpliciter, nec exprobrante postulet, ac dabitur ei; postulet verò cum fiducia, nihil hesitans: Nam qui hesitat, fluctui maris, qui ventis agitur & impetu rapitur, similis est: neque existimet homo, se quicquam accepturum à DOMINO.

7. Si

7. Si Spiritum sapientiæ à DEO reporta-
verit, atque deinceps secretorum naturæ, &
futurorum revelationem à DEO in spiritu &
fide petiverit, divinitus exaudietur, & DEUS
sua voce vel dormienti, vel vigilantibus in ani-
mi intimum sinu omnia deponet & pādet.

Spiritus enim ille, prout D. Paulus ait Rom. 8.
v. 26. adjuvat infirmitatem nostram: nam cum
quid orare oporteat nesciamus, ipse spiritus pro
nobis inenarrabilibus gemitibus intercedit: & sic,
aio ego, ille qui in spiritu & veritate orat, exaudi-
tur. Duo sunt media, quibus Deus se, atque secre-
ta sua revelat, *Visio & Vox*. Utrumque medium a-
pertè describitur Num. 12. v. 6. & 7. ubi sic DEUS
ad Aaronem & Mirjam dixit: Audite sermones
meos: Si quis fuerit inter vos Propheta Domini,
in *Visione*, apparebo ei, vel per somnium loquar
ad illum. At non talis est Servus meus Moyses,
qui in omni mea domo fidelissimus est; ore enim
ad os loquor ei, palam & non per ænigmata, & figu-
ras Dominum videt. De revelatione quæ est ex
visione, post revelationem, quæ fit per Scripturā,
monebo. Jam de revelatione quæ fit voce Dei, no-
tandum est, quòd & vigilantibus & dormientibus
ejusmodi revelatio contingat. Vigilantibus con-
tingere patet exemplo Protoplastorum Genes.

L. I. c. 6.

2. v. 16. Moſis Exod. 3. & plurimis aliis locis, Noë
 Gen. 6. v. 13. & c. 7. v. 1. Abrahami, Gen. 18. v. 10. 18.
 & 19. Loti Gen. 9. v. 13. Iſaaci Gen. 26. v. 24. Ge-
 deonis Jud. 6. v. 23. Samuëlis, 1. Reg. 3. v. 11. & ſeqq.
 c. 8. v. 7. & 22. Zachariæ, Luc. 1. 13. ſanctæ Mariæ,
 Luc. 1. v. 28. & ſeqq. Joannis Chriſtum baptizan-
 tis Matth. 3. v. 17. Petri, Jacobi & Joannis Matth.
 17. v. 6. Dormientes voce DEI ſapiſſimè inſtitui, ejusque
 alloquio iis multa revelari exempla reſtatur Jacobi Gē.
 28. v. 13. 14. & 15. in idem Gen. 31. v. 11. 12. & 13. Laba-
 nis Gen. 31. v. 24. Salomonis Reg. 3. c. 3. Magorum
 Matth. 2. v. 12. Joannis ubique in Apocalypſi. Ubi
 quoque notare eſt, DEUM non raro ad revelan-
 dum uti voce angelorum juſtorum. Sic ab angelo
 Domini Joſeph Matth. 1. v. 20. 2. v. 13. & 19. Hagar
 ſaræ ancilla Gen. 16. v. 8. & 21. v. 17. & ſeqq. Disci-
 puli Chriſti Act. 1. v. 10. 5. v. 20. Philipp. Act. 8.
 v. 26. Cornelius Act. 10. v. 4. & ſeqq. Pet. Act. 12. v.
 7. Paulus Act. 27. v. 24. & Divus Joannes ubiq; in
 Apocalypſi ſua informantur, ut ita videmus, an-
 gelos eſſe adminiſtratorios ſpiritus, qui in mini-
 ſterium emittantur propter eos, qui erunt hære-
 des ſalutis. Heb. 1. v. 14. Beatus eſt, cui Deus ange-
 los ſuos confabulantes mittit.

Priusquam hinc abeam, dux difficultates bre-
 vibus expediendæ mihi ſunt. 1. Inveniuntur, qui
 arbitrantur, hodiè ſingulares revelationes per
 Deum

DEUM & angelos ejus nō cōtingere, & nec posse
ex Sacris literis aliquid tale evinci; verū Deum
vel immediatē vel p angelos suos piis viris in N.
Testamento non loqui velle, nusquam in S. literis
legitur; & exempla suprā ē N. Testamento addi-
ta aliud nobis persuadēt: atque Prophetia Joëlis,
quæ ejus 2 capite v. 28. extat, ad N. Testamentum
à d. Petro Act. 2. v. 17. accommodata firmissimo
nobis argumento est, DEUM in N. Testamento
apertius & dilucidius voce sua, voce angelorum
& visionibus suos verē credentes instructurum.
Qui aliter sentiunt, videant, ne Spiritui Dei, qui
ubique & omnibus temporibus omnia & eadem
potest, insitas & proprias virtutes negando dero-
gent, atq, tandem suæ negationis pœnā luant.

2. Querat hīc ex me aliquis, quomodo quis cer-
tus esse possit de revelatione Dei, quæ jam viva sit
voce Dei, atque angelorum ejus: cūm diabolus se
in formam lucis sēpē transfiguret, 2. Corinth. 11.
v. 14. Ubi sciatur, 1. Prophetam, cui aliquid Deus
revelat omnibus hominibus credendum, | verē
pium esse debere. 2. Ei Deum non loqui, qui aliud
verbum, quod scriptum Dei verbum evertat &
tollat, pponit. Hinc d. Paulus rectē monere vo-
lens Galatas 1. cap. ne credant iis, qui aliud quā
quod prædicatum est, Evangelium doceant, ait,
quòdis,

quod is, qui aliud Euangelium prædicaverit Galatistis, præter id, quod acceperint, anathema sit. Sicut ait deus per Moysen deut. cap. 18. v. 1. 2. 3. surrexerit in medio tuo Propheta, aut qui somnium se vidisse dicat, & prædixerit signum atque portentum, & evenerit quod locutus est, & dixerit tibi: Eamus & sequamur deos alienos, quos ignoras, & serviamus eis: Non audias verba Prophetæ illius aut Somniatoris. 3. Ei ex ore Dei nullam revelationem dari, ad cuius verbum non evenit illud, quod futurum prædicit: id quod ex hisce Moysis verbis dilucidè apparet, ubi deut. 18. v. 21. & 22. sic ait: Quod si tacita cogitatione responderis, quomodo possum intelligere verbum, quod nomen non est locutus? Hoc habebis signum: Quod in nomine Domini Propheta ille prædixit, & non evenit, hoc nomen non est locutus, sed per tumorem animi sui Propheta confinxit, & non timebis eum.

CAP. II.

De modo discendi ex viva hominis institutione.

Modum discendi ex ore Dei, & angelorum eius ea qua potuimus & debuimus, perspicuitate &

itate & breuitate exposuimus; necessarium igitur erit, ut ad modum discendi aliquid ex viva hominis institutione progrediamur. Etsi fortassis hic modus tibi super vacans videatur, cum quis facile & tuo Marte ex alio homine aliquid discere possit, si modò præceptor fideliter illud docuerit: tamen quia multi defectus in discente demonstrari possunt, qui impediunt, ne ex præceptore benè docente discipulus aliquid proficiat, operæ precium me faciurū arbitratus fui, si ex ore præceptoris discendi modum certis includerem formulis.

Itaq; qui vult ex ore docentis benè in Sapiencia proficere,

1. Curato (vel curanto alii, quorum interest, si ipse sibi prospicere non potest) ut habeat præceptorem eius rei peritum, quā scire desiderat.

Ex illo enim, qui rem aliquam ignorat, nemo eandem discere potest: necesse quippe est, ut ille, qui alium docet, prius sciat id, quod docet. Peccant ergò ii parentes non parum, qui ut ob avaritiam suam sumptibus maioribus parcant, suos liberos præceptoribus non satis earum rerū, quarū scientia liberos imbui optaverint, peritis cōmittunt. Corporis & mundi delicias magis fovent, quā animi virtutes: & sic non rarè ignominiam in posteris ante obitum vident.

2. Præceptorem diligito.

Amor enim discipuli, qui in præceptore feratur, est quasi causa attentionis, quæ plurimū momenti confert ad illud intelligendum, quod à præceptore profertur. Illius, quem homines odio habent, opera qualiacunq; sapissimè exosa sunt.

3. Præceptori fidei credito discipulus si-
ne ulla inquisitione, usque dum benè, quod dictum est, intellexerit.

Studio si plerunque hoc tempore id moris habent, ut quamprimū aliquid à præceptore rece-
sseatur, illud iudicio suo examinent, atque de
veritate eius statuunt, priusquam benè intellexe-
rint. Verū quomodo illud iudicabitur, q̃ non
intelligitur? Quomodo iudicabunt, qui ex longo
usu benè iudicare nondum didicerunt? Pythago-
ras non sine causa suis discipulis silentium per
quinquennium imposuit, ne citius quàm didicis-
sent, rem examini subicerent, atque sinistre de ea
iudicarent. Suo Marte si quis aliquid discere cu-
pit, alterius institutionem expectare non tene-
tur: Qui verò alterius institutione ad eruditionē
pervenire vel cogitur vel desiderat, illius est, ut
præceptoris informationem benè percipiat, atq;
ex ea se erudiri patiatur, ac proinde iudicium su-
um in illud temporis protrahat, quo se mentem
dicentis benè intelligere persentiscat.

4. Attentus esto.

Ac proinde cogitationes suas ad alia abripi, dū præceptori suo adest, non permittito: Dum enim alia cogitat, sensum eorum, quæ à præceptore effertur, non apprehendet. Si mentem dictorum non percipiet, nihil ex viva institutione proficiet. Quid igitur prodest audivisse eum, ex quo nihil progressus feceris? In scholis studiosa juvenus, quæ magis mundanis rebus & inanibus affectibus sæpè indulget, quàm rei literariæ, corpus quidem præceptori offert, animum verò alibi relinquit, vel aliò mittit. In templa multi abeunt, non ut ex Ecclesiaste proficiant, sed judicent illud, quod dicit. Multi dormiunt, multi confabulantur, multi ludicra tractant, multi divitias suas meditantur, atque ideò ita cogitationes suas disponunt, ut abeuntes ex templis nesciant, quid propositum & dictum fuerit. Hæc & similia facere discipulum decet nullum. Eum decet esse attentum, ut memoria & intellectus id, quod docetur, complectatur.

5. Cum agnitione suæ ipsius ignorantiaæ audito præceptorem.

Qui enim se doctum esse sibi imaginabitur, se suæ eruditionis nimia persuasionem facillè contemnet alia, quæ proferuntur. Multi ad eruditionem pervenissent, nisi putassent se pervenisse. Disci-

pulus

pulus ergò et si aliquid de proposita materia intelligere sibi videatur, semper tamen arbitrator, sibi aliquid discendum superesse. Si audiverit cognita, ea facilius memoria sua comprehendet: si verò incognita audiverit, & ex auditione ea cognoverit, suum animum scientia ampliori informabit & exornabit. Humilitas est magna via ad sapientiam. Unde Proverb. ii. v. 2. *Sapientia in humilibus esse dicitur.*

8. Omnibus horis, quæ ad unius rei materiam explicandam conjunguntur, ad præceptorem accedito, qui illam rem ex præceptore addiscere in animum inducit suum.

Ac proinde nullam horam negligito, quæ illius unius rei explanationi destinata est. Peccant ergò ii contra veras discendi leges, qui jam partem ejus materię ex præceptore audiverunt, & post vel perversa quadam eruditionis imaginatione, vel præceptoris contemptu, vel negotiis aliis minus utilibus permoti, vel quòd se ex suorum discipulorum monumentis describere posse putent, è scholis emanent. Quicumque illi fuerint, nunquā bene de iis, quæ audiverunt, judicabunt, sed sibi corruptum judicium de aliorum dictis ingenerabunt, atque solida scientia propositę materię, cujus partem tantum ex ore docentis percepērunt destituentur. Preterea & ii nihil prog-

Sciunt ex alterius viva institutione, qui alternis horis docentes audiunt: præceptor enim tenetur in sibi proposita materia singulis horis pergere, ac proinde facile contingit, ut eâ horâ, quam discipulus negligit, aliquid, quod post non repetatur, dicatur, ac proinde ii discipuli perfectam ejus scientiam non adipiscantur.

7. Præceptores diversissima studia tractâtes simul uno die, licet diversis horis, non audito.

Ut videlicet omnes suas cogitationes ad certæ alicujus artis cognitionem dirigat, ne ab uno præceptore id, quod ex altero discitur, considerationi debitæ subtrahatur.

8. Apud se vel cum aliis id, quod uno orationis flumine ex præceptore audivit, repetito & meditator.

Repetitione enim & meditatione sensus dictorum intellectui firmiter imprimitur & infigitur: sapientiaque hominis accrescit. Longè ergo errant ii discipuli, qui domum è schola reversi non cogitant, quæ ex præceptore suo audiverint, sed potius illicitis lusibus, juvenilibusque affectibus indulgentes a sinina stupiditate se deformant, & malitiam cum imperitia imbibunt.

9. De eo, quod non intellexerit, præceptorem consulto.

Nimirum postquam præceptor in schola suo docendi munere perfunctus est. Quando enim discipulus præceptorem interrogat, præceptor tenetur ei id, quod antea proposuit, clariùs proponere & explicare. Quod si fit, discipuli ingenium acuitur & ad profundiorē rei meditationē præparatur. Pudor ergo eorum planè cōdemnandus est, qui præceptorem eo fine interrogare erubescunt, ne ipsorum ignorantia & imperitia pateant. Subjicio hoc distichon aliunde acceptū, omnibus discipulis benè pensitandum:

Multa rogare, rogata tenere, retenta docere!

Hæc tria discipulum faciunt superare magistrum.

10. De intellectis cum alio eo fine tantum conferro, ut argumentis, quibus sententiam suam mutandam esse apertè convincatur, locum concedat, vel ut in eorum, quæ intelligit & communicat, veritate magis magis, que confirmetur.

Error hinc eorum apparet, qui cum ob finem disputant, ut alios eruditione superare vel ne superari videantur. Hoc ambitionis vitio qui laborant, veritatem nec ritè defendunt, nec tam in lucem ab aliis prostitui patiuntur, ne vel inde per vacante sectarum institutio sequatur.

C 3

De modo discendi aliquid ex Scriptura divina.

POstquam ex alterius viva institutione discendi modus in duobus capitibus explicatus est, ad modum discendi ex Scriptura rectè pergimus. Sed cum scriptura sit duplex, divina & humana, prius de modo discendi aliquid ex scriptura divina disceremus. Divinum enim humano longè præstantius est, & dignum, quod ante omnia alia cognoscatur.

Qui ergò ex divina Scriptura aliquid discere sibi proponit,

1. Cognitionem eorum, quæ veram pietatem & viam æternæ salutis docent, seriò appetito.

Beati, ait Christus Matth. 5. v. 6. sunt, qui esuriunt & sitiunt iustitiam; nam satiabuntur.

2. Videto, ut verè sacram & verè divinam Scripturam habeat.

Si enim verè divinam scripturam non habuerit, ex illa nihil solidi addiscet. Jā verò extra dubitationis aleam positum est, libros V. & N. Testamenti, è quib. suprà testimonia citavimus, esse verè divinos & verè sanctos, & appellari biblia Sacra, utpote quorum sanctitatem & veritatem eventus satis probare potest; statuimus ergò eum qui ex

qui ex divina Scriptura aliquid addiscere in votis habet, ad dictos libros utriusque Testamenti confugere, atque se ex iis erudiri pati debere.

3. Sacram Scripturam legito, vel lectam audito attentè & purè.

Eo fine, ut ex ea pietatem in Deum & in proximum suum addiscat, atque in ea vitæ suæ regulam observet, & post hanc vitam ex scripturæ illius autore Deo æternam beatitudinem sibi reporter: omnis enim scriptura divinitus inspirata & utilis est ad doctrinam, ad redargutionem, ad correctionem, ad institutionem, quæ est in justitia, ut integer sit Dei homo, ad omne opus bonum paratus. 2. Tim. 3. v. 16. Quare Christus Joã. 5. v. 39. sic Judæos alloquitur: *scrutamini scripturas, quia vobis videmini in ipsis æternam habere vitam.* Duo verò in dato meo secundo præcepto tibi observanda sunt, 1. attentè esse sacram scripturam legendam. 2. purè. Attentè legitur, & lecta auditur sacra scriptura, quando is qui legit, vel lectam audit, omnes cogitationum suarum nervos unicæ sacræ scripturæ infigit, atque aliorum quæ extra scripturam sunt, meditationem & considerationem excutit. Quod si eo fine scriptura legitur & auditur attentè, ut inde veram dilectionem Dei & proximi discamus, atque viam salutis

Eternæ perfectæ, cognoscamus. Deus nobis cor
aperit, ut post majori cum attentione verbū Dei
audiamus, & ex eo ad vitam eternam instruamur.
Lydia purpurarum venditrix colens Deum audi-
vit verbum à Paulo prædicatum, & Dominus e-
jus cor aperuit, ut intenderet his, quæ à Paulo di-
cebantur: Act. 16 v. 14. Præfectus Candace regi-
næ Æthiopum legit Esaiam Prophetam Act. 8. v.
28. & divinitus Philippus mittitur v. 26. ut ejus
Prophetæ verba, quæ tum legebat, interpretetur.

Purè verò legitur, & lecta auditur s. Scriptura,
quando citra præjudicium sine aliorum hominū
commentariis excipitur. Deus sufficiens est ut sua
ipsius voce homines ad pietatem conv. gat;
non opus est, ut homo suis verbis, Deum juvet. S.
Scriptura omni instructioni sufficit. Illud verbū,
quod in V. & N. Testamento scriptum est, in nu-
meros homines ad veram fidem & cultum Dei
verum permovit & traxit prioribus seculis. Hæc
vis & efficacia hodiè eidem verbo adempta non
est. Meliorem formulā loquendi de pietate nul-
lus hominum unquam dictabit. Quid ergò opus
est, ut instar oratoris tua ornamenta extra Scri-
pturam allata puro verbo Dei adspergas, & uni-
verso hominum generi proponas? Aistnum esse
movere homines ad colendum & audiendū
verbum Dei. Sed tibi si hoc persuaseris, falsò tibi
persuades,

41

persuades. Non tuum, sed Dei est homines ad
audiendum permovere: Eam ob causam Dei ver-
bum scriptum est, ut hoc lectum attentionē ex-
citet. Te non interprete opus est, sed te lectore, &
predicatore. Scriptura purē lecta & purē audita
hanc vim obtinet, ut una vice hominem devoti-
orem, & ad pietatis studium ardentiorē reddat,
quā si centies omnes Ciceronis oratorias ele-
gantias verbo DEI adjiceres: Spiritus enim ille,
qui Prophetis & Apostolis scriptum DEI verbū
inspiravit, in cordibus attentorum auditorum
omnia per ipsum scriptum verbum opatur. Ob-
servari hīc velim auream d. Petri epist. suæ 2. c. 1. v.
20 & 21. instructionem, ubi sic inest: *Habemus fir-
miorē Propheti-cum sermonem, cui (non verbis ex
tuo cerebro & ore natis) benefacitis attendentes,
quali lucerna lucenti in loco caliginoso: donec di-
es illucescat, & lucifer in cordibus vestris oriatur:*
Hoc primū intelligentes, quod omnis Prophetia
Scripturæ propria interpretatione non fit: Non e-
nim voluntate humana allata est aliquando Prophe-
tia, sed Spiritu s. inspirati locuti sunt sancti DEI
homines. Unde Nehemiæ 8. Eldras citra omnem
propriæ eloquentiæ additionem Scripturæ ver-
bis populo Judaico legem DEI legebat, & popu-
lus ad poenitentiam permovebatur: cap. 9. Ais hīc
obscurum esse in quibusdam locis DEI scriptum

S f

48

verbum, ac proinde tua dilucidatione opus esse.
Verum spiritus ille qui loquitur in Scriptura,
tantarum virium est, ut dum loquitur in Scriptu-
ra, in corde humili & attento simul omnem ob-
scuritatem citra tuam additionem amoveat. Lu-
cerna pedibus meis verbum tuum & lumen se-
mitæ mee: ait David Psalm. 119. v. 105. Sermo me-
us & prædicatio mea non erat in persuasoriis
humanæ sapientiæ verbis, sed in ostensione Spi-
ritus ac potentiæ, ut fides vestra non sit in sapi-
entia hominum, sed in potentia Dei. 1. Corinth.
2. v. 4. Nos loquimur non sermonibus, quos hu-
mana sapientia docet, sed quos docet Spiritus
sanctus, spiritualibus spiritualia comparantes;
ibid. v. 13. Nemo vos, ait idem Paulus Coloss. c. 2.
v. 4. decipiat in persuasibili sermone. Regerunt
ad hæc alii, interpretationes suas à Spiritu sancto
esse, ac proinde admittendas. Sed respondeo, me
non credere illam loquendi formulam à Spiritu
sancto esse, quæ non sit ipsius Scripturæ: Dum e-
nim diversæ loquendi formula homines utuntur,
varias introducunt sectas, atque suas præconcep-
tas opiniones citatione Scripturæ in crustant,
ut ita facile opinionibus suis divinam auctoritatē
concilient. *Hoc volo.* Non nego, diversas dicendi
formulas in verè pio, humili & devoto Pastore
cum s. Scriptura convenire, ac proinde rectè di-
ctis. Scripturæ confirmari posse; sed cum verè

pius, humilis, & verè devotus pastor mentis humane
 sicut hic in mundo conspici & cognosci non possit. atque
 qualibet lecta opinionem suam, etiam ex sacris literis non
 relatas, Scripturam s. verbis palliare ac sic alios in assensum
 pettrahere studeat, tutius esse arbitror, ut purum Dei verbum
 legatur, doceatur, & audiat, sit enim quilibet certius esse
 potest, brevem etiam alterius opinionem pro articulo fidei
 non obtrudi, si homines in primitiva Ecclesia viam salutis
 & vitam regulam ex verbo Dei puro sub eo loquendi ge-
 nere, quo scriptum est, sufficienter addiscere potuerunt. Om-
 nino procul eadem vis convertendi homines ad veram pie-
 tatem & deducendi ad vitam vitæ verbo Dei, ea formula,
 qua ab ipsis Prophetis & Apostolis prædicatum & scriptum
 est, lecto & prædicato, in hunc usque diem meret.

Non rejicio commentationes & meditationes aliorum
 pias super s. Literis, nec conciones modestas, quæ pietatis
 exercitium urgent & controversias periculosas, non ne-
 cessarias prætereunt: Hujusmodi in meditationes propter
 eos, qui s. Scripturam legere, fontesque ejus degustare ne-
 sciunt, necessariae sunt. Rejicio tantum eas meditationes,
 quæ novos articulos fidei mundo obtrudunt, & ad eos Scrip-
 turam contorquent. Super fidei articulo tutius est ut cum
 Scriptura loquamur, & sentiamus, quam ut hominum
 depravationes sequamur. Verè Divina sophia studiosis mo-
 dum hic ex Scriptura divina discendi proponitur; non plebi
 indocta. Primum curanto studiosi, ut quid s. Litera ve-
 lint, sciant: & incepta quæ alii super iis commentati fuerint,
 legunt, ut hac ex Scriptura, non ex hisce Scripturâ judicet.

4. Ordine partem Scripturæ post partem legito.

Non tamen incidenter & indiligerim. Decet er-
 go hominem veræ pietatis studiosum, ut cum sit Christianus

anur, atque N. Testamentum clariori & dilucidiori modo viam salutis æternæ doceat, ante V. Testamenti libros scripta N. Testamenti diligenter legat, atque ita legat, ut à Mattheo exordiat, & post Mattheum ceteros Euangelistas & Apostolos, usque dum N. Testamentum totum lectione diligenti percurrerit.

5. Partem Scripturæ lectam sæpius repetito usque dum id quod in ea parte continetur, memoria sua firmiter verbotenus complectatur.

Sic enim fiet ut Scriptura magis magisque dulcescat, etiam absentibus libris, res sacras meditemur, & Deo pro beneficiis suis indefinenter laudes in corde nostro canamus. Beati sunt qui audiunt verbum DEI & custodiunt. Luc. 11. v. 25.

6. Id quod in S. Scriptura sibi faciendum legit, studiosè peragere sibi proponito.

Nam quando DEI mandatum exequitur, Deus movet, ut absconditus s. Scripturæ thesaurus sibi paulatim magis magisque pateat, & margaritæ in agro illo literario absconditæ sibi divinitus eruantur, & donentur.

7. Vetus Testamentum ex Novo illustrari scito.

Hoc enim vitæ regulam & salutis viam dilucidius & manifestius explicat.

8. Phrases Scripturæ in originali lingua i-
diomare, si fieri potest, probè mediator

Interdum enim fieri solet, ut interpretes, qui
Sanctam linguam in alienam vertunt & transplā-
rant, phrases alienarum linguarum retineant, &
inde sensum biblicum quodammodo immutent.
Æquum ergo & consultum videtur, ut pietatis
studiosus ante omnia fontes biblicos, nimirum
linguam Sanctam & Græcam addiscat, cum Sa-
cra biblia utriusque idioma te conscripta sint: sic
enim sapè ad sacrorum secretorum profundio-
rem cognitionem perveniet. Notari hic velint
memorabile illud Syracidis dictum: *Qui animum
suum eo applicuit, ut discat legem DEI, necesse est ut sapi-
entiam antiquorum Scriptorum exquirat, & in lectione
Prophetarum versetur.* Quin etiam facta & dicta ho-
minum celebrium literis consignata diligenter
observare, & quid sibi velint, expendere debet.
Necesse est ut obscuriora, sed tamen piè dicta &
parabolas sacras investiget, scrutetur, & verā sen-
tentiam inveniat. Eccles. c. 39. v. 1 & seqq.

9. Si consequentiæ, quæ ex litera phrasium
S. Scripturæ liquidò deducuntur, pietatis
doctrinam alibi manifestò infringunt, à lite-
ra, viam Scripturæ præmonstrante, discedi-
to, atque ex aliis Scripturæ locis literam eam
mitiùs explicato.

Ideò ex aliis scripturæ locis, quia sensus non
 inferretur scripturæ, sed ex ea refertur. Quare ut u-
 num jam hujus rei exemplum afferam, à litera
 hujus phraſeos (*induravit dominus cor Pharaonis* Ex-
 od. 7. v. 12.) sacrarum literarum profundus lector,
 cum ex ea facile consequatur, Deum esse auctorem
 contumaciæ & perditionis in homine, discedito,
 & eam mitius explicato: siquidem scriptura aliis
 in locis peccatum & perditionem à Deo exclu-
 dit, ei que non tribuit, sed homini & Diabolo. Do-
 minus iustus non faciet iniquitatem: Sophon. 2. v. 6. Non
 Deus volens iniquitatem tu es Psal. 5. v. 5. Quomodo
 igitur illud dictum (*induravit Dominus cor Phara-
 onis*) sit intelligendum, patebit ei, qui i. consider-
 verit, quòd Exod 8. v. 15. & 32. ipse Pharaon cor su-
 um ingravavisse legatur. 2. Quòd Deus permittat
 peccata: Act. 14. v. 16. 3. Quòd Deus peccatis limi-
 tes præfigat, ea que ad illustrationem nominis sui
 & ædificationem Ecclesiæ interdum dirigat. Ideò
 induratum est cor Pharaonis, ut multiplicentur
 signa & ostenta Dei in terra Ægypti: Exod. 7. v. 9.

Quæ cum ita sint, Deus indurasse cor Phara-
 onis dicitur, non quòd ipse indurationem istam in
 Pharaone excitavit, sed quòd ipsam permiserit,
 usque dum ex signis & miraculis patuerit, quòd i-
 pse sit verus Deus & Dominus Israël.

CAP. IV.

CAP. IV.

de modo discendi aliquid ex Scriptura humana.

LONGE diversa est ratio discendi aliquid ex scriptis hominū à ratione discendi ex scripto Dei verbo: Huic enim per se, quia DEI verbum est, humanæ verò scripturæ, quia in Deo, natura, & recta ratione fundatur, creditur. Diversitas tamē huiusmodi non tollit quandam in methodo convenientiam. Unde & hic requiro 1. lectionem, 2. lectorum repetitionem, 3. meditationem, & 4. magnam diligentiam: Qui enim attente non legerit, nec lecta hominum scripta audiverit, nec aliquoties magna cum diligentia repetiverit, ille vix percipiet, quid hominum scripta velint. Cum verò hominum scripta duplici fine doceantur, vel ut omnes inde, qui legunt, proficiant, vel ut quidam tantum, qui naturæ preciosis thesauris digni habentur, erudiantur, necesse erit ut scripta secretiorum sapientum attentiori cura discantur & tractentur, si quid utilitatis ad se inde redundare discens optaverit. Ad rem.

*Qui aliquid ex Scriptura humana
discere cupit,*

1. Ante omnia linguam, quæ id, quod sibi discendum proponit, scriptū est, probè scito.
Id enim,

Id enim, quod in linguis docetur, intelligi non potest, nisi ipsæ linguae sciatur, vocum, phrasiumque in iisdem linguis proprietates observentur & considerentur. Qua verò lingua artes in Germania doceri debeant, ut facilius discantur, id in mea Didactica huiusmodi perspicue propositurus. Jam docuisse iusticiat, quod discens eam linguam, in qua ars conscripta habetur, scire teneatur.

2. Potationibus, scortationibus, contentionibusque ne indulgeto, nec negotiis aliis mundanis se implicato.

Secus enim si viveret, malis affectibus suam vitam conspurcasset. Qui literis discendis incumbere debet, ait Syrac. c. 38. v. 25. ocio ad hoc opus habet, & qui docendus est, ab aliis laboribus vacare debet.

3. Eam artem in manus sumito, ad quam quasi natura fertur.

Singulis & omnibus artibus aptus unus non nascitur. Unum hominem altero ad quandam artē esse propensorem nemo nescit. Ad quam ergo artem quis proclivis est, eam discito. 1. quia cum voluptate eam artem aggreditur. 2. quia citius in ea profectus facit, quam in alia arte, quam natura quasi respuit. 3. quia vix fieri potest, ut verum fundamentum

fundamentum in ea disciplina faciat, à qua abesse
 non debet. 4. quia, fundamento sic non bene posito,
 superbi alia fundamenta & principia fingit, quibus
 partem deformat & veritatem in sophismata trāsa-
 plantet. Vera igitur & rata esse videmus duo illa
 proverbia, ex quolibet ligno non fieri Mercuriū:
 Non cuivis homini contingere adire Corinthū.
 f. Sub initium doctum ejus artis, quam
 discere cupit, compendium aliunde sibi cō-
 parato.

Citiū enim ea, quæ compendiosè proponun-
 tur, percipiuntur, quàm quæ multis ambagibus
 involvuntur; Requiritur verò compendium do-
 ctum, id est, verè methodicū, & nervosè scriptū.
 Debitus enim ordo memoriz inservit, & intelle-
 ctum promovet, nervosaque scripta faciunt, ut
 studiosus profundè res in compendiis traditas
 meditetur.

Compendium, in quo artis fundamen-
 ta ponit methodicè, attentè, & diligenter le-
 gendo, repetendo & meditando adeò sibi
 familiare reddito, ut vel paginam & lineam
 illam, in qua aliquod proponitur, memoriā
 teneat.

Sic enim ubicunque locorum fuerit, faciliū
 in arte propositas meditabitur, in iis sapientiā

em cōtemplabitur, & cū aliis ejusdē artis peritiis
cōmodiūs de scriptorum sensu conferre poterit.

6. Antequam unam artem absolverit, li-
bros diversæ materiæ, imò librum ejusdem
materiæ, ejusdēque autoris diversis typis
& forma excusum ne legito.

Id est, Si quis familiarem sibi reddidit quendā
libellum compendiosum, ne legito faciliē sub ini-
tium studii alios libros diversæ materiæ, nec librum
aliū ejusdē materiæ & autoris, qui typis & for-
ma à priori libro diversus sit; ut sic magis magis-
que localem quasi memoriam sibi comparet. Ipsa
praxis faciliē nostri dati theorematibus & præcepti-
veritatem probabit; Quantum igitur fieri potest,
studiosus, qui ex scriptis aliorum aliquid discere
desiderat, semper librum uniusmodi editionis &
formæ legito.

7. De præceptis artis ne dubitato.

Dubitatio enim hæc eò adducet studiosum, ut
mentem scripti perfectè non sit percepturus.

Conseſtarium.

Controversias igitur, quæ circa artis præ-
cepta à curiosis moventur, ne tractato, nec
legito, priusquàm fundamenta artis benè
posuerit.

id est, Curato, ut ante omnia rationum momenta, quibus artis præcepta firmentur, plenè imbibat & perfectè intelligat; Ea verò, quæ contra ipsa præcepta afferri possunt, non moveat, ne priusquam præcepta benè intellexerit, sinistrè de his judicet.

8. Compendio benè intellecto, alios deinceps libros ejusdem materiæ legito & cōfero, atque si quid novi in iis offenderit, prioribus cognitis superaddito.

Quod si fecerit, de die in diem in literis proficiet & excellenter doctus evadet.

9. Nemo judicato de parte alicujus Scripturæ, nisi totam Scripturam multoties & attentè legerit, atque ex lectione illa multū profecerit.

Præmaturo enim judicio se impedit, ne Scripturæ sensum benè percipiat. Omnia scripta sine præjudicio legenda sunt. Habent quidā hoc moris, ut omnia alia, quæ non sunt ex ipsorum cerebro nata, vel fastidiant, vel rejiciant, sibi persuadentes, ex aliis autoribus suis Musis non posse fieri accessum, ac proinde obiter alios tractatus lectiones refurent. Horum verò refutatio cum ex præjudicio procedat, nullius est roboris & fundamenti, ac proinde planè non admittenda.

De modo aliquid discendi ex Visionibus.

HActenus modum, quo aliquid ex voce & scriptura disci debeat, explicavimus: superest modus exponendus, quo aliquid ex simulacris cognosci possit & soleat. Cum verò ex varietate simulacrorum modus ex iis aliquid cognoscendi variet, varietas simulacrorum benè vestiganda est, ut inde modorum diversitatem & rationem probè perspiciamus. Dico ergò, simulacra esse vel interna, vel externa. Interna sunt imagines in hominis animo representatæ ad significandum aliud simile. Interna sunt vel artificialia, vel sine artificio. Artificialia simulacra sunt imagines excogitatæ ad juvandam hominis memoriæ. Sed cum modus ex hujusmodi simulacris sit valdè curiosus & laboriosus, intimamque rerum considerationem facilè impediat, non necessarium esse arbitror, ut hîc cum proponam. Memoriam diligenti lectione, attenta auditione, multa repetitione & profunda meditatione cum judicii promotione juvari in propatulo est. Qui verò delectatur ex methodo nō necessaria, legere poterit lib. 3. Cic. ad Herennium & Joannis Magiri tractatum de memoria artificiosa. Nobis jam placeat ad simulacrorum internorum sine artificio existentium, ut sunt

ut sunt visiones nocturnæ, explicationem accedere: sed cum huiusmodi simulacra sint vel divina vel humana (diabolicas visiones non curamus) Modus discendi ex simulacris internis sine artificio existentibus, nempe ex imaginibus in somno visis ad significandum aliquid, duplex erit, ac primum de modo aliquid ex divinis, quæ in somnis apparent, visionibus, & deinceps 2. de modo aliquid ex humanis visionibus discendi agemus.

SECTIO I.

De modo aliquid ex visionibus divinis discendi.

Visiones divinarum negligendarum non sunt, sed altissime reponendarum, ut de die in diem eas meditemur & in iis erudiamur. Deus visiones non frustra nobis exhibet. Nobis documento sunt visiones Jacobi, Josephi, Pharaonis, Prophetarum, Nabuchodonosoris & Divi Joannis. De verè divinis visionibus dico; non de iis, quæ speciem divinitatis præ se ferunt, & tamen non sunt divinarum. Has prætereundas & non curandas esse quis negabit? Ut verò cognoscas, quæ sint verè divinarum visiones, ante omnia scito, 1 Omnia somnia, quæcunque contra Scriptum Dei verbum aliquid docent, esse fallacia & non divina. Ejusmodi plura Monasterienses Anabaptistæ habuerunt. De-

Grinam novam extra & contra S. Scripturam q
ex somniis fingunt, decipiuntur & alios decipi-
unt, 2. Visiones, quarum vera interpretationi e-
ventus non respondet, non esse divinas, & 3. te si
DEO curares, Deumque in vera fide invocaveris,
facile divinitus doceri, num somnia aliunde ob-
lata sint verè divina.

Modus verò interpretandi Somnia divi-
na, & ex iis aliquid discendi in hoc consistit,
ut casta & pura mente ad DEUM accedas,
ab eoque genuinam interpretationem So-
mniorum in vera fide, remota omni hæsi-
tatione, impetres.

Sensum enim DEI nemo scit, nisi Deus dede-
rit sapientiam & miserit Spiritum S. suum de al-
tissimis. Sap. 9. v. 17. Unde Daniel Prophetæ suæ
& 2. v. 27. in hæc verba Regi Nabuchodonosori
respondet: Mysterium, quod Rex interrogat, Sa-
pientes, Magi, Arioli, & Aruspices Regi indicare
nequeunt, sed est Deus in celo revelans mysteria. Et
Joseph Gen. 40. v. 8. ait interpretationem Somni-
orum DEI esse.

SECTIO II.

De modo discendi aliquid ex visionibus humanis.

Visiones

VISIONES humane sunt Somnia è naturalibus
 Causis in homine existentibus orta, & signifi-
 cant vel aliquid præsens, vel præteritum, vel fu-
 turum. I, Ea Somnia, quæ ex affectione cor-
 porum, temperamento & humorum incurfioni-
 bus nascuntur, concitationem hominis præsen-
 tem significant, ac proinde ii, quos Melancholia
 infestat, somniant tristia, ut funera, caliginē, tene-
 bras: Qui flava bile redundant, cruenta, furoris-
 que & incendii plena: Sanguinei iucunda & pul-
 cherrima: Pituitosi ignava & aquosa, natationes,
 pluviam & id genus. Hinc medici admonent no-
 tanda & expendenda esse ægrotantium insomnia,
 ad eorum morbos dijudicandos & curandos, ex
 his enim cum de rebus aliis, tum imprimis de tem-
 peramento hominis non fallax haberi potest ju-
 dicium. *Somnia*, quæ aliquid præteritum signi-
 ficiant, ex cogitatione & imaginatione rerum,
 quibus per diem occupati fuimus, nobis plerum-
 que obijciuntur. Sic avarus, qui per integrum di-
 em argentum manibus suis tractavit, noctu som-
 niat magnam argenti copiam, ambitiosus sum-
 mos honores, Agricola agri culturam, &c. De
 hoc genere Somniorum hanc tibi cape regu-
 lam:

D

78
Qui sapientiam veram sectatur, per integrum diem rerum naturas sobrius meditator, atque in profunda earundem rerum nondum plenè exploratarum meditatione indormito: tum mens operationibus sensu per somnum sopitis, recolit ea quæ interdum tractavit, atque tum liberè ita discursit, ut vel ipsa omnem dubitationem deinceps discutiat, vel non rarò inde cum docto aliquo viro de gravibus rebus differere atque ex eo de rerum ipsarum veritate certior reddi videatur.

3. Somnia naturalia, quæ futura præsignificat, cum sint incerti eventus, atque ea, quæ prædicere videntur, sæpius ab efficaciori causa & fortioribus principiis impediuntur, regulis certis non subjacent. De hisce Somniis & de aliis, quæ ex imaginatione & cogitatione vanarum rerum originem suam trahunt, hoc Catonis distichon audito:

*Somnia ne cures: nam mens humana quod optat
Cum vigilat sperans, per somnum cernit id ipsum.*

CAP. VI.

CAP. VI.

*De modo aliquid ex Simulacris externis
discendi.*

Modum discendi ex simulacris internis habuimus: Ex externis discendi modus patebit ei, qui consideraverit, simulacra ejusmodi vel à Deo vel ab hominibus originem trahere. Si à Deo, ille à vere pio invocandus & rogandus est, ut doceat quid significant: sin ab hominibus, ex iis etiam eorum simulacrorum significationes addiscendæ sunt. Nosse propria nationum & Principum signa magno adjumento est.

Hic jam subsisterem, nisi generalem **CENSURÆ** doctrinam, utpote Gnosticæ affinem paucis verbis subicere animus esset. Est autem **CENSURA** nihil aliud, quàm Ars vim benè ponderatorum argumentorum, quibus aliquid statuitur, Cognoscendi, ut hinc id, quod statuitur, vel approbetur, vel improbetur.

Qui benè judicare & censere cupit,

1. ante omnia linguam, in qua res censendæ proponuntur, probè scito.
2. Terminos rerum propositarum benè considerato, ut si ambiguos offenderit, distinguat, & veram significationem ad propositam materiam rectè applicet.

3. Omnia discendi præcepta accuratè sequi-
tor, ut id quod censura subjiciendum est, benè
intelligat.

4. Quicquid contra manifestam pietatem, sa-
cro sanctam Scripturam, naturam & rectam ra-
tionem asseritur, ut falsum rejicito.

Sacro sanctam ergo Scripturam, naturam & rectam rati-
onem longo studio & exercitio sibi exploratam habeto.

5. In quo omnium sapientum monumenta, na-
tura & recta ratio conspirant, illud verum esse ar-
bitrator.

6. Omnes logomachias ut fuitiles & inanes re-
pudiato.

7. Omnes Consequentias, quæ in Scripturis
non existunt, sed ex iis rationis operæ deducun-
tur, si pietatem & concordiam tollunt, temerariè
defendi judicato.

8. In terminis artium temporariis acumen in-
genii ostèdentes à tempore refutatos esse putato.

9. Propositiones, quæ exceptionem & limitati-
onem admittunt, non rectè universali enuncia-
tione donari statuito.

Hæc sunt præcepta mea Critica & Censoria: Omnium
verè sapientum, ubique locorum fuerint, iudicium de
hisce a vide capite.

Appendix

Appendix ad Lectorem benevolum.

Si quis disciplina est benevole Lector, qua reformatione indiget, ea medicina est: Aded enim hodie sophismata & tricus confusata est, ut vix ejus geminam faciem intruere liceat. Principia ficta pro veris studiosa juventuti proponantur: Vetulus, Agyrtus & Circumforaneus Philosophiam veram ignorantibus praxis medica permittitur: Eventus ad methodum praescriptam sequens nullius est certitudinis, ita ut is jam potius fortuna, quam certa rerum medicarum cognitioni, legitimaeque remediorum administrationi tribuatur: Multa plurimis desunt, nimirum pietatis studium, legitima vocatio, vera morborum & remediorum cognitio; natura universa favor. Adsunt & plura, quae abesse debebant: nempe cruditionis perfecta persuasio, avaritia, ambitio, invidia, contemptus sociorum, &c. Quae cum ita sint, de medicina hodierna reformatione & vera introductione apud me multum cogitavi: verum me solum esse reformationi hujusmodi insufficientem bene agnoscens eo usque propositi mei executionem differre cogor, donec DEUS, qui est omnis sapientia dator & omnium disciplinarum summus reformator, mihi doctos, pios, non superbos nec scientiam inflatos viros obtulerit, quorum conjuncta opera id laboris aggredi possim. Interim studiosum lectorem non celabo, quod ad vera medicinae illustrationem quinque tractatus Quos Deus proximo tempore scripturus sum, nimirum

Aphorismos

Aphorismos reformatorios, qui ultra triginta defectus & impedimenta medicinae addiscenda & administranda cum remediis subiectis explicabunt.

Hygienologiam, quae fontem duplicem sanitatis enarrabit, *Externam*, Custodiam Dei; *internam*, balsami innati debitum statum, qui i. in heterogeneorum legitima separatione & exclusione, ac deinceps in heterogeneorum, quae separari & excerni non potuerunt, oppressionem (ne, etsi intra corpus lateant, sanitati seditionis motione obesse possint) consilii.

Nosologiam, quae i. Morbos cum Causis in genere. 2. Morborum differentias veras, etiam eas, quae hactenus partim studio, partim simplici Medicorum vulgarium ignorantia intactae manserunt, & 3. Modum cognoscendi morbos in specie revelabit.

Pharmacologiam, quae i. Philosophiam fidei: 2. Remediorum naturalium cognitionem exactam. 3. debitam eorum preparationem, & 4. Mutationem virium in remediis, quae est ex temporis & loci varietate, atque ex preparatione eorum, perspicue docebit.

Medicinam ipsam, cujus tabulam paucis verbis adumbratam jam tibi exhibeo.

Medicina est ars auxiliandi naturae hominis, ut functiones sanitatem concernentes bene peragatur. Huc faciunt haec praecpta,

Qui vult bene mederi, 1. Divinitus ad medicinam vocatus esto. 2. Pius esto, & Deum præsentem sibi habeto. 3. Opere potius quam sermone excellito. 4. Fontem sanitatis utrumque bene intelligito. 5. Naturam morbidam bene cognosce. 6. Pharmacorum naturam exploratam habeto. 7. Remediorum, quæ cruda adhiberi non debent, præparationem ipse scito, & si nesciverit, discito. 8. Mutationem viri in remediis bene teneto.

Medicina est vel conservatrix sanitatis, vel reparatrix.

Hygieina est ars statuendi sanitatem.

Qui vult statuere sanitatem suam, 1. videto, ut angelos Dei custodes corporis sui habeat, ac præinde ad voluntatem Dei in verbo ipsius præscriptam vivito. 2. Sibi aërem purum & clarum, nullis stagnorum, cadaverum, & cloacarum expirationibus conspurcatum, sed ab omni & qualitatibus & substantiarum vitio alienum, qui ventis salubribus perflatur, eligito. 3. In aëre moderatè calido & modicè frigido degito. 4. Cibum potumque temperatum, humanæ naturæ convenientissimum deligito. 5. Nec avidè cibum rapito, nec ingurgitato potum. 6. Simplicem cibum assumito, ac proinde varia cibi & potus genera una vice sibi ne ingerito. 7. Insuetum cibum, potumque ne sibi subito familiarem reddito, nisi à perito medico

44
dico & Philosopho sanitatis suae conservandae
gò ipsi imperetur. 8. Esuriens cibum ingerito, &
alternatum bibito. 9. Exerceto se tempellivè. 10. in
cibo & potu, in motu & quiete, in somno & vigi-
lia & in affectibus animi modum adhibeto. 11. Me-
dicamento verè renovante circa ver & autumnum
utitor, 12. Antidoto contra venena se p̄munito.

⦿ *sepe voluit est ars restituendi sanitatem.*

In *sepe voluit* tria media sunt in usu: Verbum
fidei, verbum naturae, quod est naturale remediū,
& manus à qua Chirurgia est.

sepe voluit est vel primaria, vel secundaria.

Primaria est ars corroborandi naturam, ut inde pel-
lantur morbi, & sic restituatur sanitas.

Qui vult corroborando naturam morbos pel-
lere, 1. Confortativa remedia sibi comparato: ni-
mirum lapidem Philosophorum, & alia particu-
laria confortativa, ut sunt aurum & argentum
potabilia, essentiaque alia Philosophorum men-
struo elicit. 2. Qui lapide Philosophorum cura-
re intendit, propinato agro unū ejus laticis gra-
num in pauca vini quantitate, & ager restituetur
credens. 3. Qui particularia confortativa admini-
strare sibi proponit, ea in debita dosi aegris, medi-
atib. vehiculis morbo affecto appropriatis, exhibe-
to. Si ita medicus naturam corroborabit, natura
cōfortata morbos extirpabit & cōvalescet ager.

Secundaria

63
*Secundaria est ars pellendi morbos, ut inde correbo-
retur natura, & sic resituatur sanitas.*

Methodus hæc curandi dicitur quibusdam *dis-*
positis, quemadmodum Primaria *opodet*. Hic
indicationes locum habent, quæ tamen in Pri-
maria medicina prætereuntur.

*Præcepta Secundaria medicina concernunt vel
medicum, vel agram.*

Præcepta quæ ad medicinam attineant, hæc sunt.

1. Restitutionem membrorum ne aggreditor in illis corpo-
ribus, quibus vel unum ex principalibus membris deest, vel
organum totaliter vi revulsam est 2. Morbos, quorum causæ
sunt supranaturales, naturalibus remediis pellere ne cona-
tor.

Præcepta ægrum concernentia hæc sunt:

1. Æger agnoscat, se peccatis iram DEI pro merito fu-
isse, atque ex ipsius permisso morbo affici. 2. Pœnitentia
vera Deum sibi reconciliato, ac deinceps invocato, ut auxi-
lietur. 3. Reconciliato & invocato DEO, verum medicum
admittito, & de recuperatione sanitatis, assumpto remedio,
ne dubitato 4. Medici verbis fidem adhibeto constantem.
5. Nec suo nec alterius præterquam medici consilio utitor.
6. Medicamenta eo modo, quo à medico præscripta sunt,
assumito.

Medicina

*Medicina secundaria est vel Christiana, vel profana:
Medicina Christiana est ars pellendi morbos verbo fidei.
Praxin hujus artis in N. Testamento abundè
intueri poteris.*

Medicina profana est ars pellendi morbos specificis remediis.

Hic à me morborum cura in specie docenda atque Chymicorum, Galenicorumque medicamentorum verus usus demonstrandus esset, nisi adumbrare voluissem potius medicinam, quam perfectè tractare. In aliud ergò tempus hunc laborem mihi relervabo, atque medicinæ studiosum DEO volente, nihil celabo, quod ipsi & rei publicæ humanæ bono futurum arbitror. Deus ille, qui universi hujus theatri factor & gubernator est, regat meos & omnium ex intimo corde perentium conatus, ut nihil contra ipsius Majestatem exinde peccetur, sed omnes actus in divini ipsius nominis gloriam & in humani generis utilitatem cedant per JESUM Christum Dominum & DEUM nostrum, Amen.

SOLI DEO GLORIA.